



**WAR MURTIYEEEDKA SHIRKA WADATASHIGA DAKHLI WADAAGGA  
KALLUUMEYSIGA DALKA IYO DIB-U-EEGISTA SHARCIGA KALLUUMEYSIGA  
SOOMAALIYA**

**Mogadishu, Somalia December 12, 2020**

Shirka dakhli wadaaga kalluuka dalka oo ay ka soo qeybgaleen Wasiirrada Kalluumeysiga iyo Kheyraadka Badda DFS, iyo Wasiirrada Wasaaradaha Kalluumeysiga Dowlad Goboleedyada Galmudug, K/Galbeed, Hirshabeele iyo Gobolka Banaadir ayaa lagu qabtay magaalada Muqdisho 10-ka ilaa 12-ka Bisha December 2020, si ay wada hadallo uga yeeshaan heshiiska dakhli wadaagga kalluumeysiga dalka iyo dib-u-eegista sharciga kalluumeysiga Soomaaliya.

Shirkan oo ujeeddadiisu ahayd sii xoojinta howsha socota ee dakhli wadaagga kalluumeysiga dalka iyo dib-u-eegista sharciga Kalluumeysiga Soomaliya ayaa lagu go'aansaday qodobadan soo socda:

1. In Wasaaradda Kalluumeysiga iyo Kheyraadka Badda DFS ay dardar-geliso dhammeystirka sharciga kalluumeysiga si dhaqso ahna loogu gudbiyo Golaha Wasiirada DFS si ay u meel mariyaan uguna gudbiyaan Golaha baarlamaanka.
2. In la mideeyo dhammaan Siyaasadaha Kalluumeysiga Soomaaliya, kadib marka ay isku waafaqaan dowlada dhexe iyo dowlad goboleedyada.
3. Waxaa si buuxda Wasiirradu u go'aansadeen in muhiimad gaar ah la siiyo maareynta iyo tashiilka kheyraad badeedka, lagana hortago wax kasta oo dhibaato u keeni kara noolaha iyo deegaanka badda oo ay ku jiraan hababka Kalluumeysiga ee waxyeellada leh
4. In DFS oo kaashanaysa Dowlad Gobolledyada ay dadaal ku bixiso ka hortaga Kalluumeysiga sharci darada ah ee ka dhaca biyaha Soomaaliya.
5. Waxaa la isla gartay saameynta COVID 19 awgii aynan suuragalin in la fuliyo dhammaan qodobadii ku xusnaa heshiiskii hore



6. Waxaa la isku raacay ilaa inta laga helayo heshiis rasmi ah oo beddela heshiiskii hore oo waqtigiisu ku ekaa Septemper 2020 in Wasaaradda kalluumeysiga iyo Khayraadka Badda DFS ay sii waddo bixinta shatiyada iyo soo xareynta dhaqliga kalluumeysiga kaa soo lagu haynayo Bangiga dhexe ee dalka.
7. In bisha January 2021 dhexdeeda Magaalada Dhuusa-Mareeb ee caasimadda dowlad gobolleedka Galmudug ay shir wadatashi isugu yimaadaan dowladda federalka, dowlad goboleedyada iyo Maamulka Gobolka Banaadir si loo gaaro heshiiska dakhli wadaaga Kalluumeysiga Soomaaliya.

Saxiixayaasha War murtiyeedka

Wasiir ku xigeenka Wasaaradda Kalluumeysiga iyo Kheyraadka Badda DFS

Mudane Xil. Abdullahi Omar Abshir Abdullahi Abshir

Wasiirka Wasaaradda Kalluumeysiga iyo Kheyraadka Badda ee Galmudug

Mudane Xil. Abdi-Sabir Nur Shurie

Abdi-Sabir Nur Shurie

Wasiirka Xil. Wasaaradda Kalluumeysiga iyo Kheyraadka Badda ee Hirshabelle

Mudane Xil. Iidle Siyaar Sheikh Khalifa Iidle Siyaar Sheikh Khalifa

Wasiirka Wasaaradda Kalluumeysiga iyo Kheyraadka Badda ee Koonfur Galbeed

Mudane Avv. Cabdiqani Cabdullaahi Maxamed Cabdiqani Cabdullaahi Maxamed

-- Dhammaad --